



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 97. Calvinistarum querelæ contra hoc edictum.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

§. XCVII.

Sæcul. XVI.
A. C. 1564.*Calvinistarum querelæ contra hoc edictum.*

Thuan. l. 36.

Ceterum Calvinistæ vehementer contra hoc edictum insurgebant, palam querentes, sibi injuriam exinde inferri, cum eis per primum edicti articulum plena sermones audiendi libertas adimeretur, atque illi, qui pro publicis cœtibus ad loca designata e longinquo adventuri essent, periculo exponerentur: „si vero inquiebant illi, „Synodos celebrare, aut pecunias colligere prohibemur, disciplinæ conservandæ impares reddimur, subtractoque alimento Ministris necessario, brevi ipsum etiam Ministerium evertetur: „insuper per violentam matrimoniorum jamjam contractorum dissolutionem libertas per edictum concessa labefactatur, & dura conscientis servitus imponitur, si ejusmodi homines ad Sacerdotium reverti, ac vota, quæ semel abdicarunt, innovare adstringantur. „ Condæus Princeps, qui tum in arce Valeria sibi a Marescallo Santandreano donata morabatur, comperto novo hoc edicto datis literis Reginam questum conveniebat, eique prolixum trans mittebat scriptum, in quo Protestantium querelas omnino æquas demon-

Sæcul. XVI.

A.C. 1564.

demonstrare nitebatur, exponens, Calvinistas a Gubernatoribus vexari, homicidia impune relinqui, atque inha-
 abhinc pace propter Religionem centum triginta duos homines fuisse trucidatos. Verum Rex, cum Calvinistas se absente seditionem moturos vereretur, ad Condæi Principis sententiam benigne respondit, hæc eidem significans: „nihil ardentius percupio, quam „suum cuique jus tribuere, atque ad „edicti mei interpretationem gravissimis „caussis impulsus fui, interim spe certus vivo, quod tu ipsemet, cum regni commodo, atque utilitati intentus videaris, easdem omnino ratas habiturus sis: præprimis vero mihi „persuasum habeo, tibi nunquam in „mentem venisse, quod meam voluntatem ad tuum arbitrium inflectere audeas: si vero mei Gubernatores, ceterique Ministri suo officio defuerint, ea severitate plectantur, ut pacis conservandæ studium, quo flagro, omnibus patefiat: quamvis hucusque concordia edictum constanter, ac sincere „fuiſſet observatum, & nequidem habita Religionis ratione æqualiter omnibus jus diceretur. „

§. XCVIII.

Carpû Cardinalis obitus.

Hoc